

Visoki predstavnik / specijalni predstavnik EU će naglasiti napredak BiH i lobirati za ublažavanje viznog sistema

Visoki predstavnik / specijalni predstavnik EU Christian Schwarz-Schilling je u Rimu, gdje prisustvovuje godišnjem kongresu Europske narodne stranke, gdje će se sastati sa višim zvaničnicima ove stranke i drugim istaknutim političarima iz čitave Evrope. On će istaći politički i ekonomski napredak koji je BiH postigla u posljednjih nekoliko godina. Ovom prilikom će zatražiti od evropskih lidera da obrate pažnju na trenutne procese reformi u BiH, u kontekstu pregovora o Sporazumu o Stabilizaciji i pridruživanju. Kao dio ovoga on će lobirati za otpočinjanje postepenih olakšica za trenutni vizni režim.

Visoki predstavnik će također ukazati da u vrijeme kada je mnogo međunarodne pažnje u regionu usmjereno na crnogorski referendum za nezavisnost i pregovore o konačnom statusu Kosova, pažnja ne bi trebala biti odvrćena od napora BiH da se približi EU.

“BiH je napravila ogroman napredak i završila ambiciozan program reformi. Napredak po pitanju viznih olakšica kao što je predložila Evropska komisija bi poslao moćan signal vlastima BiH i građanima BiH da EU prepozna ovaj napredak”, rekao je visoki predstavnik.

“Ako se Evropska unija nada da će ekonomija Bosne i Hercegovine nastaviti rasti, onda ona mora olakšati poslovnim ljudima iz BiH putovanja u EU kako bi vodili svoje poslove.

Kako poduzetnici mogu razvijati odnose s perspektivnim poslovnim partnerima u EU ako moraju čekati danima – ako ne i tjednima – da dobiju vizu za put u EU”, dodao je visoki predstavnik.

Ostale teme razgovora biće ustavna reforma i tranzicija OHR-a u Ured EUSR-a.

Europska narodna stranka je najveća politička skupina u Europskome parlamentu, koja predstavlja oko 37% svih zastupnika u Europskome parlamentu.

Među ljudima koji će biti na kongresu Europske narodne stranke je i predsjednik Europske komisije Jose Manuel Barroso, talijanski premijer Silvio Berlusconi, njemačka kancelarka Angela Merkel i austrijski kancelar Wolfgang Schüssel.

U Rimu će se visoki predstavnik / specijalni predstavnik EU danas sastati sa papom i vatikanskim sekretarom za vanjske poslove nadbiskupom Giovanniem Lajolom. Visoki predstavnik / specijalni predstavnik EU će informisati papu o napretku postignutom u pripremama BiH za daljnje integrisanje u Europu, uključujući reformu Ustava te će naglasiti nezaobilaznu ulogu vjerskih lidera u promicanju pomirenja, što je osnovno vjerovanje svih religija koje se prakticiraju u BiH.